

Broj: 08-02-07/2-11-2-951-8/26

Dana: 18.5.2026. godine

Na osnovu člana 70. stav (1), (3) i (6), u vezi sa članom 25. i 64. stav (1) tačka b) Zakona o javnim nabavkama ("Službeni glasnik BiH", broj: 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavku iz Zapisnika o pregledu i ocjeni ponuda broj: 08-02-07/2-11-2-951-7/26 od 11.5.2026. godine, u postupku javne nabavke "LOT 2: Nabavka putničkih motornih vozila", policijski komesar Uprave policije Ministarstva unutrašnjih poslova Zeničko-dobojskog kantona, d o s i:

ODLUKU

o izboru najpovoljnijeg ponuđača "NIPEX" d.o.o. Tuzla za
"LOT 2: Nabavka putničkih motornih vozila"

I

Prihvata se Preporuka Komisije za javnu nabavku roba, usluga i radova (u daljem tekstu - Komisija), iz Zapisnika o pregledu i ocjeni ponuda broj: 08-02-07/2-11-2-951-7/26 od 11.5.2026. godine, i ugovor za "LOT 2: Nabavka putničkih motornih vozila", dodjeljuje se ponuđaču "NIPEX" d.o.o. Tuzla, sa ponudom broj: 08-02-07/2-11-2-951-3/26 od 5.5.2026. godine i ponuđenom cijenom u iznosu od 724.991,46 KM bez PDV-a.

II

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležnih institucija o uredno izmirenim obavezama po osnovu direktnih i indirektnih poreza.

Za ispunjenje uslova iz člana 45. stav (1) tačka a) Zakona, a u vezi sa stavom (2) tačkom a) iste odredbe Zakona, ponuđač mora ispoštovati slijedeće:

Shodno mišljenju Suda BiH od 21.05.2019. godine, upućenog Agenciji za javne nabavke, u cilju urednosti ponuda, a prema članu 45. stav (1) tačka a), u vezi sa stavom (2) tačka a) istog člana Zakona, neophodno je da svaki kandidat/ponuđač kumulativno dostavi potvrdu Suda BiH i potvrdu suda prema sjedištu pravnog lica, odnosno kandidata/ponuđača, iz razloga što nije definisan Jedinstveni registar na nivou Bosne i Hercegovine, u koji bi se upisivale pravosnažne presude za osuđene za krivična djela organizovanog kriminala, korupcije, prevare i pranja novca.

Stoga, obaveza je kandidata/ponuđača da, u smislu odredbi člana 45. stav (1) tačka a), u vezi sa stavom (2) tačka a) iste odredbe Zakona, dostave uvjerenje Suda BiH i suda prema sjedištu pravnog lica, odnosno kandidata/ponuđača.

- 1 (jedna) obična kopija dostavljene dokumentacije iz stava II. - (Ukoliko ponuđač ne dostavi 1 kopiju ponude, njegova ponuda se neće označiti neprihvatljivom).

III

Ova Odluka objaviće se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

IV

Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke broj: 08-02-07/2-11-2-951-1/26 od 18.3.2026. godine.

Javna nabavka provedena je putem otvorenog postupka javne nabavke.

Procijenjena vrijednost nabavke za LOT 2 iznosila je 930.000,00 KM bez PDV-a.

Obavještenje o nabavci broj: 30099-1-1-19-3-38/26, poslano je na objavu dana 18.3.2026. g. u 12,53 sati, a sažetak istog je dana 27.3.2026. godine objavljen u "Službenom glasniku BiH", broj 23/26.

Komisija za javnu nabavku imenovana je Rješenjem broj: 08-02-07/2-11-2-951-3/26 od 19.3.2026. godine.

Komisija za javnu nabavku sačinila je Zapisnik o prijemu ponuda broj: 08-02-07/2-11-2-951-6/26 od 6.5.2026. godine, Zapisnik sa otvaranja ponuda broj: 08-02-07/2-11-2-951-6/26 od 6.5.2026. godine, te Zapisnik o pregledu i ocjeni ponuda broj: 08-02-07/2-11-2-951-7/26 od 11.5.2026. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno sljedeće:

- da su se do roka određenog za dostavljanje ponuda za LOT 2, 2 (dva) ponuđača prijavila na predmetno javno nadmetanje, i to ponuđači "NIPEX" d.o.o. Tuzla i COSMOS COMMERCE d.o.o. Tuzla, te da ponuda ponuđača "NIPEX" d.o.o. Tuzla ispunjava sve zahtjeve ugovornog organa u formalno-pravnom, ekonomskom i tehničkom smislu, tj. da je ista za ugovorni organ prihvatljiva, dok je ponuda ponuđača COSMOS COMMERCE d.o.o. Tuzla nepravilna, iz sljedećih razloga:

Ponuda ponuđača COSMOS COMMERCE d.o.o. Tuzla nije u skladu sa tenderskom dokumentacijom, odnosno ne sadrži dokaze tehničke i profesionalne sposobnosti kako je traženo tačkom 13.1.1. LOT 2 B) u vezi sa tačkom 13.1. B) (LOT 1, LOT 2) tenderske dokumentacije, tj. uspješno iskustvo kao osnovnog ugovarača u realizaciji najmanje 2 (dva) ili više ugovora koja se odnose na prodaju vozila u prethodne 2 godine (2024. i 2025.), a koji se dokazuju spiskom/popisom ugovora o isporuci vozila i potvrdama o uspješno izvršenim ugovorima čija zbirna vrijednost iznosi najmanje 500.000 KM bez PDV-a. Ponuđač COSMOS COMMERCE d.o.o. Tuzla je u svojoj ponudi na stranici 61. dostavio dokument pod nazivom „Spisak izvršenih ugovora u posljednje tri godine“, broj CC/26 od 04.05.2026. godine. Ukupna vrijednost ugovora prema navedenom spisku iznosi 1.683.399,85 KM bez PDV-a. Međutim, iz navedenog spiska proizilazi da vrijednost ugovora za traženi period tj. posljednje dvije godine (2024. i 2025.) iznosi 213.771,65 KM bez PDV-a. Ugovorne strane sa kojima je ponuđač, shodno informacijama iz spiska uspješno realizirao ugovore su MKF MI- BOSPO TUZLA za isporuku 5 p.m vozila ŠKODA u vrijednosti od 131.207,54 KM i Kantonalna uprava za inspeksijske poslove Tuzla za isporuku 3 p.m vozila ŠKODA u vrijednosti od 82.564,11 KM. Na stranici 65. ponude priložena je potvrda od strane Mikrokreditne fondacije MI-BOSPO broj 2799/25 od 25.03.2025.godine kojom se potvrđuju navodi iz Spiska. U odnosu na dokaz o isporuci vozila i uredno izvršenom ugovoru sa Kantonalnom upravom za inspeksijske poslove ponuđač nije dostavio potvrdu o realizaciji već kopiju ugovora o nabavci koja se ne može smatrati dokazom o uspješnoj realizaciji kako je traženo tenderskom

dokumentacijom i propisano članom 48. stav 2. Zakona o javnim nabavkama Bosne i Hercegovine. Na stranici 67. Ponude sadržana je potvrda o uredno izvršenim ugovorima od strane Uprave policije MUP-a ZDK broj: 08-02-07/2-11/2-685-1/25 u kojoj je pod tačkom 2. navedena i potvrđena uredno izvršena isporuka vozila u iznosu od 299.966,66 KM bez PDV-a tokom 2024. godine koja je neprihvatljiva iz razloga što se izvršenje ugovora navedenog u Potvrdi ne nalazi na Spisku uredno izvršenih ugovora što je u suprotnosti sa tačkom 13.1.1. LOT 2 B) tenderske dokumentacije kojom je propisano da se potvrda dostavlja uz spisak izvršenih ugovora. Također, članom 48. stav 2. Zakona o javnim nabavkama Bosne i Hercegovine normirano je da ako ugovorni organ zahtijeva dokaz o uredno izvršenim ugovorima, taj dokaz podnosi se u formi spiska izvršenih ugovora uz potvrdu koju daje druga ugovorna strana.

Slijedom navedenog izvršeno je rangiranje prihvatljiva ponude prema kriterijumu za izbor ponude:

LOT 2

Naziv ponuđača	Početna cijena ponude bez PDV-a	Popust	Početna cijena ponude bez PDV-a, sa popustom	Konačna cijena ponude bez PDV-a, sa popustom	Rang
NIPEX D.O.O. TUZLA	797.825,12 KM	72.833,66 KM	724.991,46 KM	724.991,46 KM	1

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena".

Predviđeni postupak e-aukcije nije proveden, jer je kvalifikovana samo jedna ponuda.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama, i predmetnom tenderskom dokumentacijom.

Shodno navedenog, ponuđač "NIPEX" d.o.o. Tuzla, odabran je na osnovu ponuđene cijene u iznosu od 724.991,46 KM bez PDV-a.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača.


Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za mat.-fin.poslove, 1x.-
3. Spis, 1x.-

**POLICIJSKI KOMESAR
GENERALNI INSPEKTOR POLICIJE**

Admir Gazic



Broj: 08-02-07/2-11-2-951-9/26

Dana: 18.5.2026. godine

"COSMOS COMMERCE" d.o.o. Tuzla
"NIPEX" d.o.o. Tuzla

Na osnovu člana 71. Zakona o javnim nabavkama ("Službeni glasnik BiH", br. 39/14, 59/22 i 50/24), policijski komesar Uprave policije Ministarstva unutrašnjih poslova Zeničko-dobojskog kantona, donosi:

OBAVJEŠTENJE

o izboru najpovoljnijeg ponuđača NIPEX d.o.o. Tuzla za "LOT 2: Nabavka putničkih motornih vozila"

Obavještavamo vas da je Uprava policije ovog Ministarstva u otvorenom postupku javne nabavke za "LOT 2: Nabavka putničkih motornih vozila", donijela Odluku broj: 08-02-07/2-11-2-951-8/26 od 18.5.2026. godine, o izboru NIPEX d.o.o. Tuzla, sa ponudom broj: 08-02-07/2-11-2-951-3/26 od 5.5.2026. godine i ponuđenom cijenom u iznosu od 724.991,46 KM bez PDV-a.

S tim u vezi, uz ovo Obavještenje dostavljamo primjerak Odluke o izboru najpovoljnijeg ponuđača broj: 08-02-07/2-11-2-951-8/26 od 18.5.2026. godine i Zapisnika o pregledu i ocjeni ponuda broj: 08-02-07/2-11-2-951-7/26 od 11.5.2026. godine.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana po prijemu odluke o izboru najpovoljnijeg ponuđača. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u najmanje 3 (tri) primjerka.

POLICIJSKI KOMESAR
GENERALNI INSPEKTOR POLICIJE

Admir Gazić

DOSTAVLJENO:

1. Ponuđači, 1x-
2. Sektor za mat.-fin.poslove, 1x.-
3. Spis, 1x.-

